



Broj: 11-16-6-2782-11/25
Sarajevo, 9.12.2025. godine

U skladu sa članom 64. stav (1) tačka a), članom 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), člana 8.; stav 2., pod c) Pravilnika o uspostavljanju i radu komisije za nabavke („Sl. glasnik BiH“, broj 103/14 i 49/23), na Preporuku Komisije za nabavu, broj: 11-16-6-2782-9/25, od 8.12.2025. godine, i člana 6. Odluke o organizaciji Sekretarijata Predsjedništva BiH, broj: 01-50-1-1497-44/13, od 8.5.2013. godine („Službeni glasnik BiH“, broj: 41/13), generalni sekretar *d o n o s i*:

ODLUKU

o izboru najpovoljnijeg ponuđača za tekuće održavanje i opravku motornih vozila marke Škoda u Banja Luci koja su van garantnog roka za potrebe Predsjedništva BiH

Član 1.

Prihvata se preporuka Komisije za nabavke, broj: 11-16-6-2782-9/25, od 8.12.2025. godine, te se Okvirni sporazum za tekuće održavanje i opravku motornih vozila marke Škoda u Banja Luci koja su van garantnog roka, dodjeljuje ponuđaču AUTO-KOMERC V.S. d.o.o. Banja Luka, ponuda broj: 1805/25 od 27.11.2025. godine, za ponuđenu cijenu za rezervne dijelove 23.115,62 KM i normu sata 70,00 KM, a sve bez uključenog PDV-a, *kao najpovoljnijem ponuđaču.*

Član 2.

Prijedlog okvirnog sporazuma o nabavci bit će dostavljen na potpis izabranom ponuđaču AUTO-KOMERC V.S d.o.o. Banja Luka u skladu sa Zakonom o javnim nabavkama BiH.

Član 3.

Za izvršenje ove odluke zadužuje se i ovlašćuje Odjel za javne nabavke i logistiku, Odjel za transport i Odjel za ekonomsko-finansijske poslove.

Član 4.

Ova odluka bit će objavljena na web-stranici www.predsjednistvobih.ba, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka izbora najpovoljnijeg ponuđača za tekuće održavanje i opravku motornih vozila u Banja Luci, koja su van garantnog roka, zaključivanjem okvirnog sporazuma sa jednim ponuđačem, na period do 24 (dvadesetčetiri) mjeseca, nakon provedenog otvorenog postupka, broj: 11-16-6-2782-2/25, od 14.11.2025. godine.

Procijenjena vrijednost javne nabavke iznosi 23.770,00 KM, bez uključenog iznosa PDV-a, te se okvirni sporazum zaključuje na procijenjeni iznos nabavke.

Obavještenje o javnoj nabavci, broj: 926-1-2-216-3-70/25, poslan je na objavu 14.11.2025. godine.

Po Izvještaju o preuzimanju tenderske dokumentacije od strane ponuđača, istu su preuzeli:

- Ponuđač: DRVOREZ DOO HADŽIĆI
- Ponuđač: BBS EUROPE
- Ponuđač: EKAPIJA DOO
- Ponuđač: AUTOKOMERC V.S. DOO
- Ponuđač: LADA AUTO DOO
- Ponuđač: TENDERI DOO

Komisija za nabavke imenovana je Odlukom o imenovanju komisije za nabavke Predsjedništva Bosne i Hercegovine, broj: 05-16-6-2516-1/25, od 7.10.2025. godine.

Komisija za nabavke dostavila je 9.12.2025. godine Izvještaj o radu broj: 11-16-6-2782-10/25 od 8.12.2025. godine, zapisnik o pregledu i ocjeni ponuda i preporuku o izboru najpovoljnijeg ponuđača za tekuće održavanje i opravku motornih vozila marke Škoda u Banja Luci koja su van garantnog roka, broj: 11-16-6-2782-9/25, od 8.12.2025. godine.

U postupku po izvještaju o radu utvrđeno je da je Komisija za nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 1;
- da je blagovremeno zaprimljeno 1;
- da je neblagovremeno zaprimljeno 0 ponuda;
- da je ponuda ponuđača AUTO-KOMERC V.S d.o.o. Banja Luka prihvatljiva;

PONUĐA PONUĐAČA AUTO-KOMERC VS d.o.o. Banja Luka

Ponuda je dostavljena u skladu sa zahtjevima tenderske dokumentacije i prihvatljiva je za ugovorni organ.

Ponuđač je u sastavu ponude dostavio kvalifikacijsku dokumentaciju.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima utvrđenim u Tenderskoj dokumentaciji.

U postupku ocjene provedenog postupka, rukovodilac institucije nije našao nepravilnosti niti propuste u radu koji bi bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je utvrđeno da je izabrani ponuđač jedini dostavio ponudu i da je dostavljena ponuda u skladu sa uslovima postavljenim u tenderskoj dokumentaciji.

Rang-lista ponuđača u slučaju primjene kriterija *ekonomski najpovoljnija ponuda*:

Naziv / ime ponuđača	Podkriterij Cijena	Podkriterij Norma sat	UKUPAN BROJ BODOVA
	Broj bodova	Broj bodova	
1 AUTO-KOMERC VS d.o.o. Banja Luka	75	25	100

Iz navedenih razloga, primjenom člana 64. stav (1) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M. P.

GENERALNI SEKRETAR

Zoran Đerić

Dostaviti:

1. AUTO-KOMERC VS d.o.o. Banja Luka;
2. Odjelu za ekonomsko-finansijske poslove;
3. Odjelu za javne nabavke i logistiku;
4. Komisiji za nabavke;
5. Zamjenicima generalnog sekretara;
6. Službi za odnose s javnošću (radi objave na web-stranici);
7. Arhivi.